



PARLAMENTO  
DE GALICIA



BOLETÍN OFICIAL DO  
**PARLAMENTO DE GALICIA**

---

X legislatura  
Número 348  
28 de agosto de 2018



## SUMARIO

---

### **2. Elección e composición do Parlamento, réxime e goberno interior, organización e funcionamento**

#### **2.4. Organización e funcionamento do Parlamento**

##### **2.4.3. Convocatorias**

■ Resolución da Presidencia do Parlamento, do 27 de agosto de 2018, pola que se admite a trámite o escrito dos GG. PP. de En Marea e do Bloque Nacionalista Galego no que solicitan a convocatoria dunha reunión da Deputación Permanente (doc. núm. 34706) [112691](#)

■ Convocatoria da Deputación Permanente (30 de agosto de 2018, ás 12.00 horas) [112689](#)

## 2. Elección e composición do Parlamento, réxime e goberno interior, organización e funcionamento

### 2.4. Organización e funcionamento do Parlamento

#### 2.4.3. Convocatorias

#### **Resolución da Presidencia do Parlamento, do 27 de agosto de 2018, pola que se admite a trámite o escrito dos GG. PP. de En Marea e do Bloque Nacionalista Galego no que solicitan a convocatoria dunha reunión da Deputación Permanente (doc. núm. 34706)**

Examínase o documento co número de rexistro de entrada núm. 34706, por iniciativa dos GG. PP. de En Marea e do Bloque Nacionalista Galego, no que solicitan a celebración urxente dunha reunión da Deputación Permanente para que se proceda á convocatoria dunha sesión extraordinaria do Pleno.

Visto o disposto nos artigos 56.4 e 98 do Regulamento do Parlamento, dado que cumpre o requisito de lexitimación, en virtude da delegación temporal de competencias de xestión ordinaria da Mesa do Parlamento na Presidencia da Cámara (Acordo da Mesa do Parlamento do 31 de outubro de 2016, publicado no *Boletín Oficial do Parlamento* de Galicia núm. 9, do 8 de novembro de 2016), resolvo:

1º. Admitir a trámite, polo procedemento de urxencia, a iniciativa dos grupos parlamentarios de En Marea e do Bloque Nacionalista Galego, no que solicitan a celebración urxente dunha reunión da Deputación Permanente, para que se proceda á convocatoria dunha sesión extraordinaria do Pleno (doc. núm. 34706).

2º. Dar conta deste acordo á Mesa do Parlamento na próxima reunión que teña lugar.

3º. Publicar esta resolución no *Boletín Oficial do Parlamento de Galicia*.

Santiago de Compostela, 27 de agosto de 2018

Miguel Ángel Santalices Vieira

Presidente

#### **Convocatoria da Deputación Permanente (30 de agosto de 2018, ás 12.00 horas)**

A Presidencia, logo da solicitude formulada polos grupos parlamentarios de En Marea e do Bloque Nacionalista Galego, resolveu convocar a Deputación Permanente para o día 30 de agosto de 2018, ás 12.00 horas, coa seguinte orde do día:

Punto único. Solicitude de convocatoria dunha sesión extraordinaria do Pleno

34706 (10/SCDP-000003)

Grupo Parlamentario de En Marea

Grupo Parlamentario do Bloque Nacionalista Galego

Solicitud de convocatoria dunha reunión urxente da Deputación Permanente para que se proceda á convocatoria dun Pleno extraordinario coa seguinte orde do día:

- 1.- Comparecencia do presidente da Xunta para dar conta dos feitos, analizar as responsabilidades e as actuacións que deben levarse adiante de xeito inmediato após o sinistro do Marisquiño.
- 2.- Creación dunha Comisión de investigación para determinar as causas e dirimir as responsabilidades políticas no accidente producido o pasado 12 de agosto durante a celebración do festival do Marisquiño en Vigo, así como propoñer as actuacións necesarias para evitar que sinistros destas características poidan repetirse.
- 3.- Comparecencia do conselleiro de Sanidade para que dea explicacións sobre a falta de reforzo do Servizo de Urxencias do Hospital Álvaro Cunqueiro nas xornadas posteriores ao sinistro do Marisquiño

Santiago de Compostela, 27 de agosto de 2018  
Miguel Ángel Santalices Vieira  
Presidente do Parlamento

## Á Mesa do Parlamento

Os Grupos Parlamentares de En Marea e do Bloque Nacionalista Galego ao abeiro do disposto nos artigos 56.4 e 98 do Regulamento da Cámara, solicitan á Mesa do Parlamento se proceda á **convocatoria urxente da Deputación Permanente**, en base ás seguintes consideracións:

O pasado 12 de agosto, no marco do festival O Marisquiño que se celebra en Vigo, produciuse un grave sinistro provocado polo derrubamento dunha pasarela de madeira que se atopaba en mal estado de conservación. Como resultado deste desastre houbo máis de 467 persoas feridas, algunhas delas en estado de gravidade.

Estamos ante uns feitos extraordinariamente graves, tanto polo elevado número de vítimas como polos danos físicos e psicolóxicos e pola alarma e impacto social que se xerou. Mais, tamén, porque é evidente que fallaron os sistemas de control do estado dunha infraestrutura pública e de todos os controis que un evento destas características require. Un escándalo que é maior cando coñecemos que tanto a Autoridade Portuaria, como o concello de Vigo, tiñan coñecemento das deficiencias que presentaba esta infraestrutura e, así e todo, permitiron e autorizaron a celebración dun evento multitudinario neste emprazamento.

Ante a gravidade desta situación, e máis alá da actuación e das competencias dos órganos xudiciais e administrativos, cómpre que o Parlamento galego sexa sensíbel diante dun tema de grande transcendencia pública. Tanto as vítimas como o conxunto da sociedade galega merecen saber o que pasou, quen son as persoas responsábeis do acontecido e que asuman a súas responsabilidades.

Pola alarma e preocupación social que xerou o sinistro do festival O Marisquiño, solicitamos a convocatoria da Deputación Permanente co obxectivo de dar unha resposta rápida, seria e rigorosa ante uns feitos de extraordinaria importancia. Urxe coñecer as causas, procurar as responsabilidades que poidan derivarse da actuación das administracións implicadas neste tema, e extraer conclusións para evitar que feitos desta natureza poidan repetirse no futuro.

Polo anteriormente exposto, solicitamos a **convocatoria dunha reunión urxente da Deputación Permanente**, para que se proceda á convocatoria dun Pleno extraordinario coa seguinte **orde do día**:

1. Comparecencia do presidente da Xunta para dar conta dos feitos, analizar as responsabilidades e as actuacións que deben levarse adiante de xeito inmediato após o sinistro do Marisquiño.

2. Creación dunha Comisión de investigación para determinar as causas e as dirimir as responsabilidades políticas no accidente producido o pasado 12 de Agosto durante a celebración do festival do Marisquiño en Vigo, así como, propoñer as actuacións necesarias para evitar que sinistros destas características poidan repetirse.

3.- Solicitud de comparecencia do Conselleiro de Sanidade para que dea explicacións sobre a falta de reforzo do servizo de Urxencias do Hospital Álvaro Cunqueiro nas xornadas posteriores ao sinistro do Marisquiño.

Santiago de Compostela, 21 de agosto de 2018

Asdo.: **Ana Pontón Mondelo**

Portavoz do G.P. do BNG


**Luís Villares Naveira**

Portavoz do G.P. de En Marea

**Asinado dixitalmente por:**

**Luis Villares Naveira na data 21/08/2018 13:00:42**

**Ana Pontón Mondelo na data 21/08/2018 13:02:44**



PARLAMENTO  
DE GALICIA

BOLETÍN OFICIAL DO  
**PARLAMENTO DE GALICIA**

---

Edición e subscricións:

Servizo de Publicacións do Parlamento de Galicia. Hórreo, 63. 15702. Santiago de Compostela.

Telf. 981 55 13 00. Fax. 981 55 14 25

Dep. Leg. C-155-1982. ISSN 1133-2727